

東萊先生詩集

二

東萊先生外集目錄



江西詩派



第一卷

離行在即事三首

廬陵相遇同煉金液贈師厚直閣

次韻景實椰子詩

閑居

冬日雜詩

苦雨

題宮使趙樞密獨往亭 申端應詩

丁酉冬江上警言報

高安道中有懷故人李彤

游陽山廣慶寺 自陽山還連州

柳州開元寺夏雨

寄雲門山僧宗杲

懷從弟

郴州謁義帝陵廟

桂陽鹿頭山寺次壁間韻

同諸人再登鹿頭山再次前韻

聞岳侯破賀州賊次韓端卿韻

送王循友往柳州

永州法華寺西亭

廬陵舟行

春晚

宜春元日

久雨

界步河亭

涂中久雨乍晴

連州

寧遠道中

春晚

湘江斑竹

興安靈渠

野岸

春晚即事

香山觀壁間詩因次其韻

懷古

近體詩二十韻寄錢秉之

第二卷

絕句

送韓存中侍郎赴光州二首

試院中呈諸同官

試院鎖宿數日未出

堤上

阻雨不出

次潘節夫韻

再用前韻寄壁公

郴州牛脾山謁景星觀觀下有白鹿洞乃蘇耽飛

昇之地

春日十二韻

京師雨春

府學治事奉懷張彥寔兼寄惠子澤范信中

向君受

寄家叔虛已

共齋

信安生日

和張文潛于湖曲

題九江王挿劍泉

陽山大電

謁韓文公廟陽山

游會勝寺蒙泉

連州游隅湖亭

奉觀超然居士面面亭唱和新句輒成近體詩

二呈

送李博秀才

元日雪中作

送王周士

寄小范

奉贈伯世仲志二弟

送張子直西歸

謝趙士原送酒

梁傑惠研紙墨三物謹成古體詩一首一謝

燕龍圖畫山水歌

初夏即事

晚出

贈趙九弟

寄李商老

喜宗師諸公數見過分韻得席字

巫山圖歌

將云濟陰寄河一室陵

丙申正月四日大雪簡府中諸公

第三卷

宿石頭多寶寺

董村歸路馬一口口

兵亂後日嬉雜詩

賀州周秀才

寄題莊李裕靜軒

雪中奉簡張子直

絕句

擬古

夜同李十步月至崔成美家

讀東坡詩

讀亡弟由義舊詩有感

與范益謙飲有懷才仲絕句

感懷

贈唐虎

寄酒與陽翟諸弟

別魏先生

晉康逢師厚

初十日王震秀才家探梅

三園觀梅主人置酒甚歸

飯花光店是日立春

清隱及歐園賞梅

次韻醑醪

寒食

宿嵩前

客說嵩頂松實甚佳

送蘇龍圖知明州

塵外亭

題晁以道新居

星月枕屏歌

次韻堯明如臯道中五首

別才仲

再用前韻寄壁公

東萊先生集目錄終

慶元己未校官黃汝嘉增刊

東萊先生外集卷第一

江西詩派

呂本中 姑仁

離行在即事三首

昏且黃 字 裏經營謝獨清
看人長塵尾懷我短燈檠
舊交分窮達斯文鼎重輕
邊聲接明主禮樂謝諸生
漂泊留芳郡煩人久厚顏
強求微祿去未得故鄉還
驛騎隨朝發舟師語夜闌
到家傳古夢歸使下燕山
客况多堪笑歸舟靜擁衾
轉喉常觸諍對面却論心
外物家無有閑居念本深
妻孥安短褐終不羨多金
廬陵相遇同煉金液贈師厚直簡

掃地樗櫟陰扇火煉金液
飢烏下朝陽豕枝墜紅雲
秃翁未着巾僕背散破絡
提鈴顧四海老手隨可惜
相勉各衰年省事慎藥石
急當固根本迺可傳損益
元氣日億虧藥邪資三賊
誰解盤乾坤相示淚播臆

次韻景實椰二詩

舊傳椰實來瓊州
珍如楚萍出中流
雙帆八槳嚴護
送海若亦恐貽神羞
當時荔子寵妃子
一日紅塵歸
帝里棄捐碩果
不食正音鏗鏘不入耳
勿唾魂礪
老瓠壺中含瓊漿
碧琳腴聖門兒
取失子羽底事端
可銘璠璣新詩
庶欲泄感意
更復誇談作真賜
閱人

如此慎勿欺我■與君諳世事

閑居

風土徭人住依棲縣令尊
搗山春晚苦汲澗雨餘
渾白日供高枕生涯付小園
時來携白甕種藥兩三根

冬日雜詩

白日供多病青山且舊居
柴門臨水靜風葉舞霜餘
老練時情孰念之
不計疎墻東端可望
多背飽翻書
春景晴只映寒江曉不波
雲山明客眼風露淨林柯
紫塞傳烽急潢池帶劍多
蒼生好蘇息天意定如何

苦雨

雨添東澗連西澗雲斷前山起
後山野水到門人去
盡昏煙迷樹鳥飛還江天日月渾
無色客路風埃只強顏
舞石至今隨燕乳
或詩不復哭龍慳

題宮使趙樞密獨往亭

謝公為時出四海正仰準雅志在東山
本末固不渝符堅百萬師一掃談笑餘
今公拖長策豈止安石徒平生獨往願
結石山一隅躋板上脩竹已自勝巾車
舉手謝世人不與汝同途出佐明天子
意欲無強胡行當復中原即日還舊都
豈容思昔隱更作深山居小人病無能
悞入承明廬朝夕投効歸為公先掃除

申端應詩

避亂久去國遠游將抱孫氛埃到湖嶠愁歎滿乾坤
氣力吾先老風流子獨存相逢能少駐重爲倒餘尊

丁酉冬江上警報

京路蕭條信不通胡塵尚欲競南風三年避地身多
病萬里推拳囊盡空天際每垂憂國淚日邊誰了濟
時功宣王自是中興王會見鑿輿返故宮

高安道中有懷故人李彤

寒起溪邊蘆荻風霜林病葉未全紅鴈隨雲落斜陽
外舟傍山行晚照中極目閉愁愁欲絕滿川離恨恨
無窮天涯更送親朋去尊酒何時得再同

游陽山廣慶寺

泝流蕩槳到陽山寺在雲山縹緲間雨洗竹萌穿野
岸風吹榕葉落荒灣僧眠白日鍾聲靜花送青春鳥
語閑留醉頷南無所恨不妨蠟屐恣躋攀

自陽山還連州

雨後輕裘寒尚侵杖藜終日共登臨水聲不似風聲
急山色何如草色深萬疊殘雲遮晚照千章古木發
新陰飄零未忍踈杯酌欲醉醜嫌酒滿斟

柳州開元寺夏雨

風雨脩脩似晚秋鴉歸門掩伴僧幽雲深不見千巖
秀水漲初聞萬壑留鐘喚夢回空悵望人傳書到竟
沉浮面如田字非吾相莫羨班超封列侯

寄雲門山僧宗杲

隨堤河畔別支公目斷霜天數去鴻歲月崢嶸如許
久江湖漂泊略相同無窮烟草夕陽外不盡雲山秋
色中寄語只今能見憶書來莫遣太匆匆

懷從弟

折柳長亭今幾年一行作吏楚江邊音書頓逐歸鴻
斷消息時因過客傳五嶺風溫吹瘴雨九疑雲濕卷
愁烟每吟春草池塘句尚想詩成夢惠連

郴州謁義帝陵廟

浙浙寒聲未落霜蒲庭殘葉不勝黃墻頭雨帶煙悲
冢爐冷風飄塵帶香修墓尚應懷楚德入關猶想快
秦王追思往事空垂淚無限傷心對夕陽

桂陽鹿頭山寺次壁間韻

霜風過雨不勝寒木落重重見遠山雲捲沈浮橫浦
外鳥飛明滅夕陽間頽肩道永方南去趺足何時得
北還杖屨登臨共回首自憐五澤入荒蠻

同諸人再登鹿頭山再次前韻

梅梢風動勒花寒
淡淡煙橫天際山
顧我未能忘物
外國石聊爾出雲間
心聲不逐鐘聲歇
林影空隨塔
影還與日同歸
嵩山路却將詩卷託南蠻

聞岳侯破賀州賊次韓端思韻

旄旗摩日甲生光
俘馘黃巾第幾方
滅賊去須臾
蟻破胡行且見神
狼燕然刻石功
昭漢太華題廟書
後唐從此兒童傳
此字風流何止繼
韓康

送王循友往柳州

苦雨淒風未肯晴
衝寒行李越南征
煙橫遠浦亭離
恨雲暗亂山迷
去程樽酒用來時
驚望夢夜宿
長檠它處馬渡天台
路滿望君還尋舊盟

永州法華寺西亭

西亭清淨冠南州
蠟屐聊爲半日留
蒼蒼輕烟漲山
麓連卷雌霓落城頭
禽聲高下雲間木
帆影參差天際舟
欲去凭欄一回首
晚風吹去不勝愁

廬陵舟行

雨過歸雲山更昏
特聞雞犬鬧江村
風敲船側收帆
幅浪拍堤平沒石
帆影參差積年身
益勸功名它日志
空存又看秋色飛
紅紫故國歸期未可論

春晚

柳暗鶯啼春正妍，斷腸分水灌平田。
花開花落幾番雨，山淡山明一抹煙。
突兀初晴雲外寺，橫斜欲晚渡頭船。
天涯因愜滄洲興，何用區區苦自怜。

宜章元日

東風初解凍桃李，已經春避地逢雞日。
傷時感鴈臣，湖南馳賊騎。
江外踐胡塵，憔悴成無用。
虛煩泪濕巾。

久雨

宿雨何曾歇，濃雲未放晴。
莓苔侵戶長，蛙蚓入窻行。
鐘送遠山響，燈挑殘夜明。
芭蕉添客恨，只伴簷聲。

界步河亭

窮山擁翠染人愁，亭下寒溪東北流。
寄語扁舟舟上客，為傳消息到筠州。

涂中久雨乍晴

匝地濃雲散曉風，輕霜挾冷下長空。
攢峯疊嶂來無盡，疑是舟行圖畫中。

連州

再到連州却是家，逢人不復嘆生涯。
尊前欲洒思鄉泪，羞見枝頭含笑花。

寧遠道中

路轉寒松日欲衰，野梅初吐兩三花。
溪流映石風吹

碧時有鱗鱗雨後砂

春晚

宴坐脩然萬慮忘從它風雨送春忙佛燈初上黃昏
後時炷郴州石乳香

湘江斑竹

湘江江上數重山山遠雲深縹緲間帝子不歸腸欲
斷竹稍空染淚痕斑

興安靈渠

淡日輕風細雨餘陰陰溪柳映溪蒲清流平岸舟行
疾野鳥時聞聲自呼

野岸

淡日輕烟村徑斜長風卷浪欲浮花夜深隔岸漁舟
過螢火驚鳥飛亂點沙

春晚即事

淡淡陰雲晝掩門隔溪楊柳暗江村落花狼籍飛紅
雨又是潺湲過一春

香山觀壁間詩因次其韻

抗志欲學仙自恨無仙骨去國將六年避地欠三窟
禪房翳翠陰竹本可製笏誰持大君前指顧收回鷓

懷古

買臣負薪行且歌其妻羞縮悲蹉跎季子歸佩六相
印骨肉歆羨緣金多人生窮達等幻滅貧賤何憂貴
何悅爭如飢采首陽薇不慕臯夔希稷契貪功徇名
世莫嗤拖金曳紫同兒嬉一朝禍至幾發冢却思衣
布丹徒時丹徒風月依然好爾自升沉委荒草草長
木拱荒煙寒此恨年年向誰道

近體詩二十韻寄錢秉之

憶昔春將莫分携桂領邊落花依斷隴飛絮滿長川
風急吹殘雨雲開放曉天山光如欲動草木不勝妍
沽酒字缺村市停驂近郭田臨行思款曲已別更留連

東萊先生外集卷第一

一

二

治邑煩游刃編氓荷息肩高才久藏巧篤行衆推賢
屢辱銀鈞况頻更玉律遷故鄉迷數澤回夢眇雲烟
漂泊遙相望窮愁祗自憐愛閑身益懶多病氣仍孱
故國因人問新年底事傳政應升斗戀聊結簿書緣
諸老方推轂乘時好着鞭提撕起憔悴騰踏動蜿蜒
袖有平戎策囊無封禪篇功名期萬里富貴屬丁年
范蠡中興越田單卒破燕異時歸捆載乞我買隣錢

東萊先生外集卷第一



東萊先生外集卷第二

江西詩派

呂本中居仁



絕句

雲海冥冥日向西春風有意力猶微無端一棹歸舟
疾驚起鴛鴦相背飛

過盡層城渡石梁亂山千疊轉羊腸草堂居士風流
在與種寒香蒲古堂

江城春色漲晴空櫻杏漫山潑眼紅溪轉路迴人不
見藍輿十里度松風

送韓存中侍郎赴光州二首

公今處羣士培塿望高高不有千鈞重虛蒙一字褒
荒山伏虎兕小徑押狸猓默坐吾已得往尋渠自勞
令弟今先達諸郎復可人一麾公出守三徑我知津
香火它年社山河後夜春會須從几杖不必畫麒麟

試院中呈諸同官

老眼文書便一窻短檠風味竹方床洛陽甲子清明
近海內交游道里長漸欲着身舡尾上不能尋汝馬
蹄旁慢紅天綠無多事紫蝶黃蜂各自忙

試院鎖宿數日未出

一閉幾十日春風能幾時悞尋高士傳虛負老人期

酒或知愁處人應笑我癡衰顏已無緒仍對折殘枝

堤上

水上人家各繫舡畫旗何處插鞦韆長堤繚繞人行
外古木槎牙鳥宿邊敢爲簿書嫌蹭蹬却因升斗致
留連何時更鼓江南棹一住越中三十年

阻雨不出

年來塵土住都城尚見東行半月程一夜北風三尺
雨卧聞車馬濺泥聲

次潘節夫韻

昔年繞舍培楸梧霜風初勁葉未枯雞肥兔賤年穀
熟草服黃冠真野夫時時步屨過鄰叟共醉不復煩
追呼杯中滿汎注白玉林邊阿堵無青鳧擊壤歌正
有餘樂豈羨騏驥馳大衢眼眇看朱或成碧心憎讀
馬還作烏富如安昌徒自苦上賈必欲求膏腴聲名
向晚更寂寞何似揚雄宅一區美官好爵乃土苴人
生要在修廉隅

再用前韻寄壁公

直言曾許老盲聾文物當年掃地空縱病且懷脩月
手更窮不顧拍張公長年眼作胡僧碧舊賞花今何
處紅知有百年餘習在略煩佳句愈頭風

郴州牛脾山謁景星觀觀下有白鹿洞乃蘇
耽飛昇之地

清霜散曉陰輕風吹宿霧橋傾絕人行漁間借舟渡
初驚烏背轉漸入牛脾路長林連雲壑細草縈石
戶洞深鎖靈蹤鹿去驂仙馭殿高鄰天冠廊回寬地履
驟響水湍流飄香花似雨崎嶇到山椒靜曠奪塵慮
四顧但蒼莽俯窺若軒翥竚立鶴不歸寒生日云莫

春日十二韻

看花不忍摘憶在歷陽時夢挾春風走生嫌莫景移
老人扶杖隱諸少倚歌遲懶拙今誰問漂流只自知
父無紅頰映但有白須隨一世半疾病百年常別離
謾成歸隱夢頻有送行詩痛飲心猶在高吟病不宜
未應譏偏人或恐勝肥癡何日江南去秋帆滿意吹

京師雨春

驟雨翻簷急殘花落按頻春光一夢過物態逐時
新舊識嵇康懶兼隨原憲貧南隣鼓喚客知是可怜人
府學治事奉懷張彥晉兼寄惠子澤范信中
向君受

疾病衝忙百不宜只今筋力已全衰長廊廣殿風來
遠古柳高槐日上遲彭澤老人新斷酒輞川居士舊

能詩已憐疋馬西歸後更憶扁舟有渡時

寄家叔虛已

莫言雄別廢周旋萬里星河共此天山色自然無聖
礙月明何處不團圓寒雲渺莽初飛雁野樹蕭條咽
斷蘆詞意求田縱有願曉帆春酒望回舡

北齊

陳郎正重朝朝樹齊主官中步步蓮莫言河朔便逢
魯元有美琵琶膝上弦

信安生日

和風韻語動祥煙此日送鸞下九天已共清秋却殘
暑雨同登相耳長年瓊枝自出塵鷲外寶月常臨雨
露前一問一曰送何所頌人間今日地行僊

晉大寧四日王貶自武昌下屯于湖明年六
月貶符舉兵內向明帝微行至于湖陰察其
營壘而去唐温廷筠作湖陰曲蓋為此也後
漢王禹偁之孫以討蕪湖縣兵時此地稱于湖
或稱葑湖察其營壘前姑熟之西初無湖陰
又且于湖乃蕪湖也張文潛有于湖田廣其
意追和焉

琅琊初渡秦淮水外託英雄抗胡壘白頭歛發問鼎

新十萬銳師同日起旌旗蔽江嚼舳艫卸帆鈎漣屯
于湖雲昏霧慘恣誅殺電激風奔傳指呼謀狂慮逆
天奪魄書夢環營日五色巴滇駿馬去如飛始遣輕
兵索行客黃須英特神所憐舍旁老嫗留寶鞭寶
鞭玩賊行俄頃野陌塵斷生青煙石城戰士爭憤泣君
王試敵曾深入纍纍金印取封侯忍瞰上流借餘力
際山暴骨真可哀向來勝負安在哉至今秋晚漁樵
地雨洗清血空蒼蒼苔

題九江王插劍泉

嬴氏方失鹿羣豪競奔馳較力爭勝負未辨雄與雌

夏英外二

五

朱

項羽奮其中氣壓諸侯師破關與救趙九江實先之
指揮半率土自謂可立治孰知大蛇斷天命潛已移
隋何說淮南禍福非面欺間行共歸漢遂合垓下圍
海岳既有主智勇安所施不自晦圭角寧能免嫌疑
殺身膏草莽為復歸怨誰插劍柳岸口泉溢何神
竒載籍加隱括曷嘗親到斯惜哉功名悞徒令後世嗤

陽山大雹

建炎庚戌正月尾陽山雨雹大如李疾雷先驅風御
隨頃刻雲屯遍千里初疑地軸開九淵固陰驚蟄神
龍起又恐帝出發震怒下掃炎荒除癘鬼破窾穿牖

缺二橫觸石摧林勢難比疑是曉色方窺簷慘澹復
字黑迷巾履披衣欲興還就枕碣磔崩騰喧兩耳吾君
聖德過成康胡虜馮陵殊未已中原郡邑半丘墟鐵
騎猶思犯南鄙安得天威假廟謨恢復兩河端可俟

謁韓文公廟陽山

雄文峙華嵩高詞燦星斗孝思古人齊名出當時右
少小懷經綸志氣頗自負束帶入栢臺極力排姦醜
讒言如青蠅正立無所苟貶官宰陽山萬里因奔走
松竹羅縣齋黃卷不離手地偏雜蠻風吏民歸化誘
至今數百年流俗獨淳厚山川發清音與公俱不朽
我來拜遺像看蔬薦芳酒拂石哦公詩一洗曾中垢

游會勝寺蒙泉

去郡十五里蒲山蔽青松朝來雨初過蕭瑟鳴悲風
踏泥轉溪曲路盡山無窮層崖築欄閣宛在雲烟中
引水遶砌下瀆石常飛濛尋幽到寺背蒼碧摩高空
古甃冽寒泉淺沙影重重伏流尚數步暗與溪相通
潺湲去何之可折從此東會有到海期豈計朝莫功
我行因避賊眺覽聊從容裴回未忍去僧飯催撞鍾

連州游隅湖亭

附溪翳嘉木瀕溪引清流如何幾畝田委曲林泉幽

亂石際高下森列如戈矛青色染黛淺瑛水疑欲浮
危亭跨絕壁廣榭排荒丘我來雨初過遠山雲半收
百花開已盡桑柘鳴晴鳩不知汝潁間還有此景不
躊躇思痛飲沃洗曾中愁明朝儻未去提壺再來游
奉觀超然居士面面亭唱和新句輒成近體

詩上呈

我老日已懶君閑寧廢詩塵埃久無夢玄骨舊相知
早晚春猶在追隨病不宜因觀七字句尚足樂晨飢

送李惇秀才

有口莫飲朝市水有脚莫踏紅塵地市朝之水不可
飲塵埃一洗無由洗十年閱世真夢寐一日逢君得
歡喜自嫌急雨倒晴雷且願濁河露清泚君行此去
道廬山爲我作詩山兩間寒泉夜聽鳴玦環剡苑後
池種白蓮更約洪謝林汪潘徐李欲去不作難倚松
聞之亦解顏我且往矣君先還

元日雪中作

老病昏昏閒不出山後山前雪三日人家閉戶作新
年一飽經營苦無術朝來附火讀陽秋箋注紛羅添
百憂未減少年窮事業青燈分坐寫蠅頭

送王周士

病欲馳驅轉不宜只今筋力十分衰平生轆軻老更甚此去艱難心自知苟瘡未除妨攝念交游雖近廢論詩明年更欲尋公去同上衡山過九疑

寄小范

高卧終無策繙書謾作緣相望如一日不見已三年事少知心遠居門覺地偏明年得安靜爲子下臨川

先生親筆云三年前在紹興作此詩欲奉寄久不果今謾錄云

奉贈伯世仲志二弟

我已蹉跎不及閑百年遺範子猶存故知前輩風流遠世世傳家有外孫

往時天未喪斯文吾祖聲名更絕羣內外諸孫幾人在不應如我便無聞

送張子直西歸

年來衰病只深藏轉覺閑居氣味長所恨浮生有拘絆不能相逐上瞿塘

君家兄弟各能文季也風流又絕羣萬里相逢又相別落花時節却思君

朋從索寞厭分離老去心情祇自知記取上饒相望處小橋南路往來時

親舊留連莫厭頻並江花絮已殘春定知數到嘗新

酒未有工夫憶故人

謝趙士原送酒

小雨生涼挽未回只愁殘暑悶風雷老人端坐氣如
縷更進先生酒一盃

早來取酒瓶已空對殘不復能從容出門更值督郵
苦住萑猶憎琥珀濃

老來疾病與時添苦怕香醪如蜜甜安得瀉餅清似
水主人應未笑無厭

愛君好句能勝酒顧我無心久似灰老病深藏如怯
暑未妨初伏送詩來

邦傑惠研紙墨三物謹成古體詩一首上謝

歛溪孕石成穀紋歛山松煤煙入雲敲冰落手卷盈
軸頓使几案生清芬魏侯哦詩日更好靜到溪山未
枯槁肯分三物到幽人不留自起太玄草

燕龍圖畫山水歌

燕公畫山水名在能品中至今筆墨欲飛動妙處不
與丹青同巴陵六月風暴起只尺長江欲千里魚龍
變恠鮫鱷怒細草長林恣鞭筆斷雲却掛懸石上急
雨止墮荒崖裏想見行人弛檐時亦有野店臨沙嘴
漁子回頭歎失色霜女無言欣一洗問公何處得此

妙長劍出匣須天倚公不見簿書叢中塵埃多歸思
頗遭貧病魔念今新涼江始波如此萬水千山何爲
公試作吳興歌更覓神仙張志和

初夏即事

但見溪山如畫裏不知風景是它鄉苦遭毒暑三年
旱預喜西風一榻涼俗事不須頻到口舊書何苦要
撐腸雨聲只在芭蕉上正與愁人作夜長

晚出

小雨收殘暑低雲隱暮雷聊乘野興出復爲故人回
早日晚難好秋花愁正開論詩已竒事猶恨不勝杯

贈趙九弟

獨居少還往况此陰雨天踈籬閉岑寂晝永不得眠
芳菲隨手盡樂事缺周旋趙郎遠過我千里一蓬舡
溫姿破殘夢妙語爭春妍喜逢骨肉親懶迎新少年
平生金石交惟爾未改前君看嵇與阮感槩後代傳

寄李商老

一作放歌行

淶漲西河可縱篙春光無信費詩招香煙繚繞重城
靜月影欹斜半夜潮好鳥似聞昆弟語垂楊初放女
兒腰無人與語當時事興盡江南大小喬

喜宗師諸公數見過分韻得席字

野水春未生積雪晴已滿
心脩然六尺床正可容一席
諸公數往還未厭詩酒
短檠有新功妙語乃破的
鱸蟹約纖紅茗盃亂噴
岩雖無費百金亦有飲一石
尚念山堂老病鳥藏羽
異生平餘習在種種見排斥
荒城滿泥潦亦可試幽
彼明當袖詩往先盡一醉力

巫山圖歌

君不見我家壁上六幅圖
淡墨寒煙半江水上有巉
然十二峯乃以突兀當空起
幽花嫵媚閉泥土亂石
崢嶸入荆祀巫山縣下水到天神女廟前江接連溪
流去與飛瀑亂屋角却對寒崖懸陽臺昨夢不知處
只今飢鴉迎客舫飢鳥受食不肯去舟子欣然得神
護曉鏡新粧
舊屏亦有餘紅點荒樹病夫坐穩便
幽禪每見此畫心茫然文章事業已罷勸少日氣味
無寅緣楚王不作宋玉死莫雨朝雲千萬年

將去濟陰寄泗上寧陵

淮海三年別家山十日程
時思一笑樂轉覺異鄉情
叔父勤相喚諸郎許見迎
濁醪行處有所恨不同傾
丙申正月四日大雪簡府中諸公

曹州城南三月雪半夜疾風吹石裂
先生睡美喚不聞不覺衾裯冷如鐵
病妻索米少聲韻稚子哦詩應

歌節殘書向人老可愛舊劔雖在磨先缺未能去尋
泉石伴豈恨深藏狐兔穴新正已過今幾日歲事懶
復從人說長江略無千里夢落人動有十年別相從
一笑又艱阻所向堅坐如癡絕城中諸公不相棄時
有妙句投衰拙頗知晴意在明日泥深不怕車軸折
便當脫帽過君家共挂南西看明月一盃凍酒君勿
辭預借炎天洗煩熱

東萊先生外集卷第二

東萊先生外集卷第三

江西詩派

呂本中 居仁

宿石頭多寶寺

四山環其外一峯屹當中
支徑轉屈曲雲峯踏飛鴻
僧居架蒼崖高下潛相通
昏鍾罷香火餘音裊寒空
梅開何處花吹香到簾櫳
回望雲山城木杪殘陽紅
愁心易生感蒲耳唯松風
對酒成浩歌漂零見涂窮
董村歸路馬上口占
水聲高下竹回環薄酒無功
不耐寒白塔忽從雲外
出青山常在馬頭看

兵亂後自嬉雜詩

晚逢戎馬際劇劇聚兵時
後死番爲累偷生未有期
積憂全少睡經劫抱長飢
欲逐范仔輩同盟起義師

近聞河北布衣起義

羽檄連朝莫戎旃
匝邇未教知死所詎敢作生涯
東郭同逃戶西郊類破家
萍蓬無定迹妻欲過三巴
胡騎猖狂甚連年窺兩京
貪饕期竭澤剪戮遂盈城
國論多遺策人情罷請纓
有誰似南八血指衆心驚
廬舍經兵火頭顱尚在門
風掀灰燼迹月澁劍銜冤
鼠穴頻遭斷燕巢猶半存
看花泪盈眼寧忍復開尊

碣石豺狼種長驅出不虞是誰遺此賊故使亂中都
官府室如磬人家錐也無有司少恩惠何忍復追呼
叛將斬關入通衢列衆兵軍聲逐飛瓦殺氣暗前旌
事定愁方劇身危夢尚驚乾坤空納納何處寄餘生
將士承恩澤臨危勿擇安牛衣寒卧易馬革裹屍難
破虜陳奇計策勳超達官堦致奎未可忽從古出貂冠
夷甫終隨晉羣胡迫帝居王綱板蕩後國勢土崩初
戈戟連梁苑頭顱塞浚渠天心應助順側聽十行書
黃事多反覆蕭蘭不辨真汝爲誤國賊我作破家人
求飽羨無糝澆愁爵有塵往來梁上燕相顧却情親
兵餘門巷靜親故白頭新常與貧爲侶祇將愁送春
焚車絕此事推宅望何人但得長安信相看眉一伸
國命方屯厄吾曹何所依白駒將老至黃鳥恨春歸
柳巷清陰合花蹊紅藥稀主憂聞未解涕泗望天畿
江城朝夕閉里巷絕人行驕虜未歸塞凶渠猶弄兵
正須烽火息早罷陣雲橫胡孽將銷蘊吾君幸聖明
四郊多屬壘何地可逃生水水但爭渡城城各點兵
牛亡罷春種馬奪盡徒行囊橐經鈔掠寇來渾不驚
蝸舍嗟蕪沒孤城亂定初籬根留弊屨屋角得殘書
雲路慚高鳥淵潛羨巨魚客來闕佳致親爲摘山蔬

一紀幽棲地死然高樹林比鄰風雨散垣屋草萊深
池面華光歇井床苔色侵衰年筋力弱閣道罷登臨
一廛江上宅毀撤自羣凶卜築勞心計携鉏失指蹤
鳩啼缺二景花斂帶愁容何日休兵革重來依老農
遭亂心紆鬱鄰堪茅舍空百年窘食事一旦墮兵戎
授簡慙詞客據鞍成老翁欲逃無所適朝夕泣塗窮
汾陽六甲士率衆出中都欲使親平虜翻成遠避胡
操戈取金幣奪馬載妻孥汝自違天意何緣保汝軀

謂郭京

春宅屯兵後荒墟非故居陶門柳徑短阮舍竹陰疎
風雨無由障牛羊自入廬朝廷安反側何日降恩書
平世多忘戰今真得陣梁燕雲擁豺虎陸晉失金湯
漢將爭奔北胡兵尚岨強何當合餘燼戮力共勤王
閭巷經鏖戰空餘池上亭簷楹鏃可拾草木血猶腥
雲漢悲鴻鴈郊原媿鶴鴿白頭兩兄弟各未保殘齡

和仲氏

壁薛孳開邊隙羗胡恃釁端天戈增照耀國步向平安
騎吹春容遠孤烽戰氣殘妖星稍退舍便覺老懷寬
亂後驚身在端如大喪家沈吟悲世故寂默對春華
堤外鴉藏柳欄中蜂動花今宵眠未穩餘寇尚紛拏

君父圍城內忽逾三月期六龍時軌飢百雉日孤危
報國寧無策全軀各有詞旄頭漸低小早晚定班師
亂離仍再歲未敢有吾廬林下休官久草間求活初
迹雖寄戎旅心已混樵漁吉語來何晚將軍素書
重到江頭宅荒殘足嘆嗟新烏忽栖樹舊犬已辭家
月淡初回夢風輕不落霞相親爲部曲弓劍作生涯
偷生戎馬內室宇半摧殘假寐何曾看驚魂尚未安
風前花自妥雨後食猶寒望斷京華信終宵泪不乾
忽復清明過林園綠蔭稠光陰同轂轉身世看舟浮
舊識梁間燕全生水上鷗幸問諸將輩稍稍近前疏
歲間值狂寇曾此駐戈鋌臺沼餘春草圖書散野煙
懶尋愛酒伴愁起落花邊不忍登江閣心隨北斗懸

賀州周秀才

青松着城市不辭塵土侵忍耻伴桃李肯言歸故林
交游在貧賤始見平生心周侯客異縣婁蒙金玉音
殷勤不我厭自昔以至今使其小富貴未必能相尋
豈謂子誠然此風今則深子行轉嶺海歲莫足愁陰
路多盜賊窘往往未能擒加鞭策駑馬欲往無滯淫
故人散天涯所到足崎嶇相逢儻見及道我病難侵

寄題莊季裕靜軒

雲靜天如水風停海不波請觀如是相夫子意如何

雪中奉簡張子直

深居畏雪謾添衣過了梅花病不知同住荒城懶還
往一年天氣最寒時

絕句

雨溼平林松桂香斷雲荏苒拂踈篁江山故自可人
意從此歸休策最長

擬古

寒雞不能晨苦雨自朝夕上為雲雷巢下乃龍窟宅
坐缺陰外天缺月挂殘魄少來可喜人牖戶陳玉帛

平生千萬言略有二三策牛山所種木日在斤斧厄
念君十年心使我雙鬢蒼白

夜同李十步月至崔成美家

伏暑不可去客帆秋未回偶携南縣李來訪北橋崔
藤枕風前簟瓜槃月下杯十年老懷抱故為故人開

讀東坡詩

命代風騷第一功斯文到底為誰雄太山北斗攀韓
愈琨玉秋霜敵孔融不見陸機歸洛下只聞張翰過
江東廣陵雅操無人繼六十餘年一夢中

讀士弟由義舊詩有感

平昔烏衣游盛事寄青史後生見頭角唯子與夫子

夫子知止也知止由義師友也

柰何阻中涂去我適萬里三年莫春

日西郊漫桃李才難聖所歎反是俗眼眯坐看玉壺
冰終汚青蠅矢嚼憤已成疾傷護空忍死雪涕別時
言歷歷猶在耳嗚呼骨肉親遺恨有如此吾生復三
聊念爾中夜起讀君離別篇沈吟泪如水

與范益謙飲有懷子仲

范郎醉倒西風前夜思趙子起不眠與渠別來今幾
年細數往事如雷顛塵埃刺促今尚賢問我北行詩
幾篇殘編斷簡棄不編鶴鳴九臯鳶啖天燕雀欲上
無寅緣江湖舊游性所便我先往矣君加鞭更呼趙
子來同船

感懷

十年南北長為客萬里江山半是鄉夢裏題詩隨意
了醉中書字不成行燕思公子歸來早草憶王孫恨
更長枕上不知多少事覺來依舊熟黃梁

贈唐虎

白酒因循久絕傾小詩聊復贈君行故人若問庵中
事但道春來太瘦生

寄酒與陽程諸弟

奔走黃塵未說歸諸郎堅坐各能詩略無夢去尋消
息謾有書來道別離但得阮公連月醉不嫌王湛半
生癡遙知共飲北窻下自勝烏衣全盛時

別魏先生

雨漲溪渾欲斷橋水鄉風物更蕭條憑君下筆留春
住伴我開窻不寂寥

四十餘年別歷陽舊游魂夢費思量眼明見此老居
士聽話舊游如到鄉

晉康逢師厚

藤江合賀江浮蕩蒼梧雲我如老餓鶴忍飢啄蠻塵

二更客入戶月黑雨翻盆坐久始驚省兩翁非昔人
一別二十年家國忍復論豈知半暗眼再見忠宣孫
君負濟世美實識治亂根寧同二三子但粥父祖名
心豈燕立壑婁刀召終逡巡新年憤忠極決意去脩門
龍鬼亦妬賢翻舟使回犇嗚呼天下事敢笑不敢言
師尹實令弟高義橫乾坤政坐才卓犖亦使身竒屯
人說龔州居勝事專江村未赴結社約長耿懷友心
君歸兄弟語况我應殷勤二子豈隱者中興要甫申
勉哉赤松子善事黃中君我欲北渡嶺江西老耕耘
子房但強飭勿道綺與園

師厚自龔被召至三水
泛舟復還并寄師尹

初十日王震秀才家探梅

不問主人聊一來水亭風榭小
裴回春風大似私南
土未臘江梅半欲開

王園觀梅主人置酒莫歸

臨溪照影若自愛
犯雪看花寧怕寒
百繞蜂兒綠底
事癡心猶作
蜜蜂房看

日沒未沒霧縈山
古寺松門欲上關
尚有香風泛衣
袖兒童知我探春還

飯花光店是日立春

綵勝繒幡安在哉
客行巾帽只風埃
東西水畔凍全
拚南北枝頭春已回
故國音書黃耳斷
餘生光景白
駒催山村誰道全
荒陋也有畦蔬入饌來

清隱及歐園賞梅

亭邊竹外影踈踈
惱客清香半有無
不共東君苦交
涉只緣冰雪作肌膚

枯叢凍枿兩交加
中有仙人萼綠華
會挽一枝供越
使莫令三弄發胡笳

向人一笑真粲者
出屋數枝殊瘦生
剛腸妙句兩無
語始覺諸孫愧廣平

次韻酴醾

絕去人間淺俗香染成天上羽衣黃綠窻擬倩纖纖
手收拾春風入枕囊

掩冉歆垂千萬條始知天女是青腰輕衫曾立花陰
下三日餘香尚不銷

寒食

三年羈旅逢寒食萬里江山隔故園墳墓荒涼誰拜
掃東風吹泪濕黃昏

淮南江北半胡兵想見春風戰血腥無復良辰修祓
禊空將新火發堯零

野哭行歌蒲道邊紙灰飛處落烏鴉
能多少只恐齊人意缺然

病夫只欲閉柴荆客至從嗔不出迎未恨家貧無曆
日紫桐花發即清明

松塢雲窻睡足時溪藤閑展試毛錐薄才豈敢追能
事寒食江村合有詩

宿嵩前

火雲如鵬騫簸翻赴山谷獨含片雨歸故故喧澗竹
野亭桂空起入夜鳥爭宿我行亦已殆况此弛擔僕
倒床不復呼爛熳聽自足人生浪游世世網未易觸
好學還山雲終焉宿幽獨

客說嵩頂松實甚佳

飄飄山中女綠毛以為衣但食青松子不死亦不飢
晝想此仙人夜或夢見之客云嵩高高頂長松亂紛披
拔地起霜鞞盤空缺虬枝惜無長臂人挽此鬚與髻
但聞雲間子時被天風吹愧我一食身何由揖仙姿
欲學殄松法人間了無師

送蘇龍圖知明州

知君鄉味憶吳酸便逐輕鷗下急湍要使煙雲有佳
思莫驅鼓吹傍湖山

宇宙之間得幾人平生季子最相親一麾出守三千
里去覓風流賀季真

塵外亭

寧飲山中泉勿食城中米塵埃苦着人何翅虱與蟻
爬搔十指禿敗褐未易洗緬懷佳公子珠璧不受洗
藏身着幽處闔戶謝紈綺君看羅曲旃何似容燕几
不辜文字眼未負鐘鼎耳長安游俠窟未晚看參甯
紛紛萬馬蹄門外自千里

題晁以道新居

小阮東來語太誇為傳新構甲千家氣衝雪野羣山
過光轉雲空一水斜聞道洗心求淨觀不妨合掌讀

楞伽箇中富貴還君子莫愛羣奴日兩衙

星月枕屏歌

雪涵踈星月既望老檜長松倚千丈田夫漁父不愛
惜落向公家枕屏上枕屏映研連春冰主人中夜卷
寒籐詩成不寫坐歎息長松老檜無顏色海陵掾曹
來作歌却憶洞庭秋水多洞庭水多秋亦晚如此枕
屏星月何

即事

夭夭桃李花春到已成蹊主人不好事居然作藩籬
容華坐消歇芳心端爲誰風雨日衰謝覆水難再期
物有幸不幸難用一理推不見浣溪女嫁與隴頭兒

次韻堯明如臯道中五首

萬頃曾經一葦航舊纓如可濯滄浪簿書窘束塵埃
裏猶見當時玉樹郎

王李風華舊得名頗容偏左去求盟從來量比江河
大不取人間盆盎清

不嫌衆裏衣冠古自覺人前禮法踈已似羲之棄官
後近逢安石赴京初

醉別江南久未還至今猶夢雨餘山少留白髮三千
丈勝取黃金十二環

侯喜學詩新有聲坐中忽遇老彌明故知麥飯與藜
藿不識虞卿醒酒鯖

別才仲

憶子卅角時單衣小襦袴見我不能拜笑語多自誤
初看讀孝經旋即絕文字先姑謂我言爾曹頗相似
悠悠二十年歷歷眼中事江河坐乖隔清缺一謾佳
句堂堂曾定州許爾天下士自爾憂患多頗復慰漂
寓故人薄缺一腸子猶披情素肯次礪礪盡皆是濟
世且從來人中英俗子眼中刺子行少遭迴無與此
曹遇

再用前韻寄璧公

直言曾許老盲聾文物當年掃地空縱病且懷修月
手更窮不顧拍張公長年眼作胡僧碧舊賞花今何
處紅知有百年餘習在略煩佳句愈頭風

東萊先生外集卷第三



紫微訪話橫街塾北羊豎識元祐學東萊集迄

晚歲逢江西詩派聖異同二十五家僥存五宋刻

倚松子多位是知還必庵人來与香教作賓

五外集完結三誤二陳錄馬攷訂為字外集目錄具存之證

直齋解題二卷為三卷之誤公雅編美甘通次卷上胡然

偏茲例擬行在詩冠卷端微白若富垂狀於退

聽古聖於祖述竄削卷中似說焉外集与抄本西集

解書序沈公雅有次第歲月之言案之至集全非不應得於第

十卷中其建安治興諸列作之反堂以前此之標竄痕跡顯於江西詩派

本前皆有目錄揭抄本東萊閱本錄虫兩馬家進肥測元為

不全本割將外集補止篇世之完書孰徵於老

翁嚮登抽殘思鑿空預構圖成辭里以立義徑

來燈會看迨平鈞合時平生憶度為中近日因錦津而

薛碑研究信行而三階集錄後見海外皆言外足以增或妄想者

也沈林標撫殘書尤多身遇作此豫言以待他日

庚申二月由奉沈曾植記於海日樓中




圖書在版編目(CIP)數據

東萊先生詩集/[宋]呂本中撰.—北京:北京圖書館出版社,2006.12

(中華再造善本)

ISBN 7-5013-3302-5

I. 東… II. 呂… III. 古典詩歌—作品集—中國—宋代 IV. I222.744

中國版本圖書館CIP數據核字(2006)第123104號

ISBN 7-5013-3302-5



9 787501 333028 >

書名 東萊先生詩集(全三冊)
著者 [宋]呂本中 撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btshxb@nlc.gov.cn

Website: www.nlcpress.com

造紙 華寶齋

印刷 杭州富陽古籍印刷廠

開本 八

印張 二〇·二五

版次 二〇〇六年十二月第一版第一次印刷

印數 一·一〇〇

書號 ISBN 7-5013-3302-5/K·1344
定價 六五〇圓

